



YMUNWCH Â'R TÎM BYWYD PRESWYL! 2023



PWY YDYM NI?

Mae'r Tîm Bywyd Preswyl yn gyfrifol am feithrin cymuned breswyl glos a chefnogi lles yr holl fyfyrwyr sy'n byw yn llety Prifysgol Bangor.

**Mae'r tîm yn cynnwys
Cydlynwyr Campws Byw
a Mentoriaid Preswyl.**



CEFNDIR

Mae Campws Byw yn rhaglen o ddigwyddiadau cymdeithasol a grëwyd gan dîm o gydlynwyr myfyrwyr ac a gyflwynir am y rhan fwyaf o'r flwyddyn. Cynhelir digwyddiadau ym Mhentrefi Ffriddoedd a'r Santes Fair, yn ogystal ag oddi ar y safle mewn llawer o wahanol lefydd ar draws gogledd Cymru a gogledd-orllewin Lloegr. Mae digwyddiadau'r gorffennol wedi cynnwys nosweithiau cerddoriaeth fyw, dosbarthiadau meistr ffug, noson sinema awyr agored, adeiladu rafftau, heicio'r Wyddfa ac Ystafelloedd Dianc. Rydym hefyd yn cynnal cyfres o ddigwyddiadau unigryw gan gynnwys

cinio dydd Sul, nosweithiau cwis, bingo, dosbarthiadau coginio a nosweithiau ffilm.

Mae ein tîm Mentoriaid Preswyl yn canolbwyntio ar ofal bugeiliol a lles, trwy gefnogi cyd-fyfyrwyr. Mae'r tîm Mentoriaid, gyda chefnogaeth Uwch Wardeniaid, yn darparu cefnogaeth y tu allan i oriau i breswylwyr, 365 diwrnod y flwyddyn. Rydym yno i helpu myfyrwyr ag amrywiaeth eang o bryderon o hiraeth i gymdogion swnllyd, a byddwn yn eu cyfeirio at rwydweithiau cefnogaeth perthnasol yn fewnol ac yn allanol os oes angen.

Mae'r ddwy rôl yn cael eu rheoli a'u cefnogi gan staff llawn amser yn yr Adran Bywyd Preswyl.

BETH MAE POB TÎM YN EI WNEUD?



Cydlynwyr Campws Byw

Mae 10 swydd ar gael i ymuno â'r tîm Campws Byw. Mae llety wedi'i gynnwys i'ch galluogi i wneud eich rôl, a bydd pum aelod yn byw ym Mhentref Ffriddoedd a phump ym Mhentref y Santes Fair.

Gyda chefnogaeth y Cydlynnydd Bywyd Preswyl byddwch yn:

- ▶ Cyd-greu'r calendr digwyddiadau fel tîm.
- ▶ Cyflwyno pob agwedd ar ddigwyddiadau yn llwyddiannus.
- ▶ Dosbarthu deunydd marchnata ar draws y campws.
- ▶ Postio'n rheolaidd ar gyfryngau cymdeithasol yn hyrwyddo'r digwyddiadau a'r ymgyrchoedd.
- ▶ Ymweld â fflatiau yn wythnosol i ddal i fyny â phreswylwyr a rhoi gwybod iddynt am ddigwyddiadau.
- ▶ Diweddarau hysbysfyrdau perthnasol ar draws y campws.
- ▶ Mynd i gyfarfodydd tîm wythnosol i adolygu'r calendr digwyddiadau.
- ▶ Cynllunio digwyddiadau ac ymgyrchoedd sydd i ddod.
- ▶ Mynd i ddiwrnodau agored a chefnogi gweithgareddau marchnata i hyrwyddo Prifysgol Bangor.

Mentoriaid Preswyl

Mae'r tîm yn cynnwys 30 o fentoriaid-fyfyrwyr sy'n cydweithio ag Uwch Wardeiniaid a Swyddogion Diogelwch.



Gyda chefnogaeth gan yr Uwch Wardeniaid byddwch yn:

- ▶ Darparu cefnogaeth rheng flaen i fyfyrwyr trwy fod ar alwad mewn achosion brys. Gwneir hyn ar sail rota gyda'r nos/nosweithiau, penwythnosau a gwyliau'r Brifysgol.
- ▶ Helpu i gyfryngu anghydfodau myfyrwyr.
- ▶ Ymateb i argyfyngau ar y safle ochr yn ochr ag Uwch Wardeiniaid a Swyddogion Diogelwch
- ▶ Darparu adroddiadau ysgrifenedig o bob digwyddiad a damwain i gefnogi'r Prif Warden.
- ▶ Cymryd rhan weithredol mewn ymarferion tân, atal troseddau ac ymwybyddiaeth iechyd a diogelwch.
- ▶ Cynnal gwiriadau coridor a chegin wythnosol i sicrhau bod y llety'n ddiogel ac yn lân.
- ▶ Mynd i gyfarfodydd tîm wythnosol i drafod materion sydd wedi codi yn ystod yr wythnos a chymryd rhan mewn hyfforddiant tîm.
- ▶ Mynd i ddiwrnodau agored a chefnogi gweithgareddau marchnata i hyrwyddo Prifysgol Bangor.

BETH YDYN NI'N EI DDISGWYL?

Mae'r ddwy rôl yn gofyn am ymrwymiad o **40 awr y mis** ar gyfartaledd, neu tua **10 awr yr wythnos**. Sylwch y bydd y ddwy rôl yn cynnwys gwaith penwythnos a gyda'r nos, a rhaid i chi fod ar gael i weithio ar rota i gyflawni'r gofyniad hwn.

Mae'n ofynnol i Gydlynwyr Campws Byw a Mentoriaid Preswyl weithio yn **ystod Diwrnodau Agored** yn hyrwyddo'r rhaglen Bywyd Preswyl a chynrychioli Neuaddau Prifysgol Bangor, yn ogystal â'r Adran Bywyd Preswyl.

Bydd angen nifer dethol o Fentoriaid Preswyl i weithio dros wyliau'r Brifysgol.

Ni fydd Cydlynwyr Campws Byw yn cynnal digwyddiadau yn ystod gwyliau'r Brifysgol, ond bydd gofyn iddynt ddychwelyd cyn dechrau'r tymor i ddosbarthu'r calendr.

Mae llawer o sgiliau y gofynnwn amdanynt yn y rolau hyn yn gwbl drosglwyddadwy ac rydym yn aml yn gweld yr un rhinweddau yn y ddwy set o ymgeiswyr.

Sylwch - byddwn yn ystyried eich cais ar gyfer y ddwy rôl oni bai eich bod wedi nodi dewis ar eich ffurflen gais

Bydd angen gwiriad DBS ar gyfer rôl Mentor Preswyl.



DYMA RAI O FANTEISION YMUNO Â'R TÎM...

- ▶ **Pecyn llety gwerth dros £5500!**
Yn cynnwys yr holl filiau, Wi-Fi, diogelwch 24/7 ac aelodaeth o gampfa
- ▶ **Cyfleoedd hyfforddi cynhwysfawr gan gynnwys tystysgrif cymorth cyntaf.**
- ▶ **Pwyntiau Gwobr Cyflogadwyedd Bangor (GCB)**
- ▶ **Cyfleoedd rhwydwaith gwyh ar draws y Brifysgol a'r gymuned**
- ▶ **Arwain teithiau a phrofiadau anhygoel**
- ▶ **Gwneud ffrindiau am oes**
- ▶ **Profiad gwaith gwyh ar gyfer eich CV**
Gwellu eich sgiliau rheoli amser, gwaith tîm a threfnu. Datblygu hyder wrth ymdrin â sefyllfaoedd dan bwysau a chyfathrebu ag amrywiaeth o fyfyrwyr a staff ar draws y Brifysgol.



GOFYNION PERSONOL AR GYFER POB YMGEISYDD:

Addysg / Hyfforddiant

Rhaid i ymgeiswyr fod yn fyfyrwyr israddedig neu ôl-raddedig mewn addysg llawn amser ac eisoes wedi treulio o leiaf 1 semester ym Mhrifysgol Bangor.

Profiad a Sgiliau

- ▶ Gallu cyfathrebu'n effeithiol, ar lafar ac yn ysgrifenedig.
- ▶ Rheoli amser yn rhagorol.
- ▶ Hyderus wrth ymwneud â myfyrwyr mewn amrywiaeth o sefyllfaoedd.
- ▶ Mae profiad blaenorol o weithio mewn sector gwasanaethau cwsmeriaid yn ddymunol.
- ▶ Mae gallu cyfathrebu yn Gymraeg yn ddymunol, ond nid yw'n hanfodol.

Nodweddion Personol

- ▶ Unigolyn brwdfrydig, cymdeithasol ac allblyg.
- ▶ Gallu creu perthynas â myfyrwyr o wahanol gefndiroedd diwylliannol a chymdeithasol.
- ▶ Sgiliau rhyngpersonol da, gyda'r gallu i ddatblygu cysylltiadau gwaith effeithiol â chydweithwyr ar bob lefel yn y Brifysgol.
- ▶ Hynod drefnus
- ▶ Ymddygiad proffesiynol
- ▶ Gallu gweithio'n annibynnol ac fel rhan o dîm
- ▶ Y gallu i feddwl ar eich traed ac addasu i sefyllfaoedd yn gyflym.
- ▶ Gwneud penderfyniadau'n hyderus – weithiau mewn amgylcheddau â llawer o bwysau
- ▶ Adrodd yn gywir a chysylltu'n effeithiol.

Darperir hyfforddiant cynhwysfawr a gorfodol i bob ymgeisydd llwyddiannus rhwng 4 – 13 Medi.



RHESTR WIRIO WRTH WNEUD CAIS

Meini prawf hanfodol	Cydlynnydd Campws Byw	Mentor Bywyd Preswyl
Myfyriwr Prifysgol Bangor sydd wedi cofrestru'n llawn am dymor llawn y contract a thros 18 oed.	✓	✓
Yn byw mewn ystafell ddynodedig yn Neuaddau Preswyl Prifysgol Bangor.	✓	✓
Gweithio yn niwrnodau agored y Brifysgol yn ôl gofynion y Tîm Bywyd Preswyl.	✓	✓
Mynychu hyfforddiant tîm Bywyd Preswyl gorfodol o 4 – 13 Medi 2023.	✓	✓
Bydd yn ofynnol gweithio yn ystod yr Wythnos Groeso, o 13 - 24 Medi 2023.	✓	✓
Gwybodaeth am lwyfannau cyfryngau cymdeithasol.	✓	✗
Cwblhau gwiriad boddhaol gan y Gwasanaeth Datgelu a Gwahardd (DBS) cyn dechrau gweithio.	✗	✓

FELLY PAM YMUNO Â'N TÎM?

**Dyma beth mae cyn-fyfyrrwyr wedi'i
ddweud am eu hamser gyda'r tîm...**



Mae Campws Byw wedi dysgu llawer o sgiliau i mi fel cynllunio, trefnu a gwaith tîm sydd wedi fy helpu yn y byd gwaith. Roeddwn yn gallu arwain digwyddiadau ac arwain tîm a helpodd fi'n aruthrol gyda fy ngwaith yn y Brifysgol yn ogystal ag mewn amgylchedd byd gwaith. Mae'r cymorth a gewch gan y staff hefyd yn anhygoel. Mae gweithio gyda'r tîm yn brofiad sy'n newid bywyd.



John, Cydlynnydd Campws Byw



Mae Campws Byw wedi bod yn un o'r penderfyniadau gorau i mi ei wneud yn ystod fy 4 blynedd ym Mangor. Mae'r cyfle i gwrdd a gweithio gyda phobl anhygoel a dysgu sgiliau gwerthfawr iawn cyn graddio yn rhywbeth rwy'n wirioneddol ddiolchgar amdano. Alla'i mo'i argymhell ddigon i fyfyrrwyr sydd eisiau cyflawni rhywbeth drostynt eu hunain trwy gymryd rhan, ac o bosibl gwneud rhywbeth y tu hwnt i'r hyn maen nhw wedi arfer ei wneud. Mae'r cyfleoedd sydd ar gael i chi drwy gydol y flwyddyn yn wych ar gyfer eich datblygiad personol yn ogystal â'ch mwynhad.



Jess, Cydlynnydd Campws Byw



Mae profiad gwaith Campws Byw wedi gwella fy nhrydedd flwyddyn a'm sgiliau rheoli a gweithio mewn tîm. Buaswn yn ei argymhell yn fawr i unrhyw un sydd am gael graddau da a chael rhywfaint o brofiad.



Gabe, Cydlynnydd Campws Byw



Mae profiad gwaith Campws Byw wedi gwella fy nhrydedd flwyddyn a'm sgiliau rheoli a gweithio mewn tîm. Buaswn yn ei argymhell yn fawr i unrhyw un sydd am gael graddau da a chael rhywfaint o brofiad.



Omar, Cydlynnydd Campws Byw

EISIAU GWNEUD CAIS O HYD?

Llenwch ein ffurflen gais yma!

- ▶ Mae ceisiadau ar agor o **23 Ionawr - 26 Chwefror**
- ▶ Cynhelir cyfweiliadau rhwng **6 - 15 Mawrth**
- ▶ Ein nod yw rhoi gwybod i bob ymgeisydd erbyn **24 Mawrth**
- ▶ Bydd hyfforddiant gorfodol o **4 - 13 Medi**. Rhaid i bob ymgeisydd llwyddiannus fod ym Mangor i fynychu hyfforddiant a dechrau dyletswyddau.
- ▶ Sylwch na chymerir unrhyw geisiadau gwyliau yn ystod mis Medi yn unol â pholisi'r adran Bywyd Preswyl a natur y rolau.

